

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Kriegskunst zu Fuß

Wallhausen, Johann Jacob

[Frankfurt a.M.], 1631

Das Vierdte Capitel. Wie man auff beyden Seiten mit Reyen schiessen soll

[urn:nbn:de:bsz:31-163196](https://nbn-resolving.org/urn:nbn:de:bsz:31-163196)



Das Vierdte Capitel.

Wie man auff beyden Seiten mit Keyen
schiessen soll.

Du hast jekunder gelernt / wie du mit Keyen auff einer Seite
ten Feuer geben sollest : Fasse auch / wie du das mit beyden
Seiten zugleich thun könnest / als / marschire mit den Truppen/
befehle auff beyden Seiten die eusserste erste Keye sich fertig zu
machen/wann sie fertig sind/anlegen/ jetzt stehen die beyde eusser-
ste Keyen still/wendet sich die Keye an der lincken Seiten lincks
vmb/vnd an der rechten Seiten rechts vmb/ legen an vnd schies-
sen. Der mittelste Truppe marschiret fort / biß der andern zwey
eussersten Keyen letzte Musquetirer den ersten / so stillstehen vnd schiessen / gleich kom-
men/so legen die zwey eussersten Keyen in ebenmäßiger form an/ wie die ersten zwey/ vnd also
fort an/ biß sie alle geschossen. Wann die zwey ersten Keyen/ so geschossen/ fertig/ so stelle sie
sich herumb / fange an zusammen recht vor dich hinauß zumarschiren / biß zu den andern
zweyen/ neme die mit biß zum letzten zu/ sind also widerum in ihrer vorigen Ordnung.

Mercke/das ich dir noch andere Art mit den Musquetirern zu schiessen zeigen wil/
welches ein sehr nützlich Werck gegen deinem Feind / vnd wil dir solches im vierdten Theil
des Exercitii weisen vnd darthun.

Declaratio Exempli.

Hie siehestu in Numero 7. Figura 1. A die zwey eussersten Keyen anlegen vnd schiessen/
der Truppe marschiret fort B B, die zwey eussersten Keyen legen auch an vnd schiessen/der
vbrige Truppe marschiret / vnd schiessen die vbrige zwey Keyen C auch also / nach diesem
wann die erste Keyen fertig/marschiren sie fort / als in Numero 8. Figura 1. A A neben den
andern zweyen Keyen/ Nemlich B B 2. biß zu C C 2. die dann auch geschossen vnd fer-
tig / also sich in die erste Ordnung widerumb stünd geschlossen. Habe Achtung/das du die
Musquetirer darzu gewehnest / das sie gleich still stehen/ gleich anlegen/ gleich nach einan-
der schiessen/ gleich fertig machen/ gleich anfangen zu marschiren/ vnd dieses alles in guter
Ordnung verrichtem.

Mercke wol/was ich mit nachfolgenden Puncten meyne/ als erstlich mit dem Worte
lein Gleichschiessen/ nicht dieses/das die Musquetirer gleich mit einander schiessen sol-
len/sondern das sie gleich einer nach dem andern schiessen/also das wann der erste geschossen
hat/ strax der ander/ dritte/ vierdte/ fünffte vnd sechste / vnd so viel ihrer im Glied sind/ einer
nach dem andern schiessen/doch nicht also/das es so langweillig fortgehe/ sondern das sie in
einer Geschwindigkeit alle nach einander schiessen / gleichsam in einem Augenblick / als
wann du fünffzig Musquetirer in einem Glied lässest gleich schiessen / sie alle schiessen/
doch das du gleichsam die fünffzig Schuß hörest nach einander krachen / das mustu wol
mercken/vnd deine Musquetirer darzu gewehnen / das sie allezeit einer nach dem andern
gleich schiessen / welches dir auch im *Salvè* vnd anderer Gelegenheit zu Pass kompt / vnd
nicht allein nützlich/sondern auch zierlich ist.

Das Erste Buch/ Von Abrichtung

Zum andern / wann du deine Musquetirer vnterrichtest / so lasse einen jeglichen alle mal frisch Zündpulver auff die Pfanne thun / das er alle mal / wann er gleichsam schießen soll / ob schon die Musquet nicht geladen / er doch auff der Pfann Feuer gebe / welches dann den Musquetirern gute Gewonheit gibt im schießen / befehle auch deinen Musquetirern / das keiner sein Musquet lade / wann du dieses Exercitium thun wilt / damit keiner dem andern Schaden zufügen möge.

Gewehne auch deine Musquetirer / das sie allzeit / wann sie anlegen / die Musquet vornen gar niedrig lassen sincken / als ob sie in die Erden schießen wolten / welches dir mächtigen Vortheil gegen dem Feind bringet.

Zum dritten / was ich mit diesen Wörtelein } 1. Macht euch fertig / } meyne.
 } 2. Legt an /

Das erste: Macht euch fertig / Das du dein Lündten auffsehen solst / vnd die Pfanne gedeckt haltest.

Das ander: Legt an / Das du deine Lündten abblafest / anschlagest vnd Feuer gebest.

Das



